

**UGOVOR O NABAVCI USLUGE:
RAZVOJ SOFTVERA ZA PODRŠKU RADA REGISTRA „.ba“ DOMENA,**

zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)
ID: 4200494560007

i

2. VERSO d.o.o. Sarajevo, ul. Emerika Bluma 23, Sarajevo, koga zastupa direktor Haris Čeremida (u daljem tekstu: Izvršilac)
ID broj: 4201511450004

Broj transakcijskog računa: 3386902248453034 otvoren kod UniCredit bank dd.

Ovaj Ugovor se zaključuje na osnovu Odluke broj: 0101-6348-5/18 od 28. 11. 2018. godine o izboru najpovoljnijeg ponuđača i dodjeli ugovora, koja je donesena nakon provedenog postupka javne nabavke KONKURENTSKI ZAHTJEV, za koji je dana 30. 10. 2018. godine na Portalu javnih nabavki BiH, objavljeno Obavještenje o nabavci broj: 999-7-2-138-3-53/18.

I. PREDMET UGOVORA

Član 1.

- (1) Predmet ovog Ugovora je usluge: **RAZVOJ SOFTVERA ZA PODRŠKU RADA REGISTRA „.ba“ DOMENA,** (u daljem tekstu: roba) za potrebe i po zahtjevu Ugovornog organa, u skladu sa Tenderskom dokumentacijom broj: 0101-6348-3/18 od 30. 10. 2018. godine (u daljem tekstu: Tenderska dokumentacija) i Ponudom Izvršioca broj: 20181108-1-AC od 08. 11. 2018. godine (u daljnjem tekstu: Ponuda Izvršioca), koje čine sastavni dio ovog Ugovora.
- (2) Izvršilac se obavezuje da, u skladu sa Ponudom Izvršioca i pozitivnim propisima koji uređuju predmetu oblast, izvrši predmetnu uslugu.

II. CIJENA

Član 2.

- (1) Izvršilac će nabavku predmetne usluge izvršiti po cijeni koja je iskazana u Ponudi Izvršioca u iznosu od ukupno:

27.000,00 KM, bez PDV-a

(slovima: dvadesetsedamhiljadaKM i 00/100),

što sa uračunatim PDV-om iznosi: 31.590,00 KM

(slovima: tridesetjednahiljadapetstotindevedesetKM i 00/100)

- (2) Ugovorena cijena iz stava 1. ovog člana je fiksna i neće se mijenjati tokom perioda realizacije ugovora.

III. MJESTO IZVRŠENJA USLUGE

Član 3.

Mjesto izvršenja usluge iz člana 1. ovog Ugovora je:

- Univerzitetski tele-informatički centar Univerziteta u Sarajevu, Zmaja od Bosne 8, Sarajevo.

A

IV. ROK I NAČIN IZVRŠENJA USLUGE

Član 4.

- (1) Izvršilac se obavezuje da će uslugu iz člana 1. ovog Ugovora izvršiti u roku od 60 (šezdeset) dana od dana potpisivanja ovog Ugovora.
- (2) Ukoliko se pojave nepredviđene okolnosti i slučajevi koji onemogućavaju izvršenje nabavke u roku iz stava (1) ovog člana, Izvršilac je dužan da pismenim putem obavijesti Naručioca odmah, a najkasnije 48 (četrdesetosam) sati nakon pojave nepredviđenih okolnosti, kako bi Naručilac cijeneći nastale okolnosti, mogao da razmatra eventualnu mogućnost produženja ugovorenog roka.

Član 5.

- (1) Izvršilac je dužan da isporučiti Ugovornom organu rješenje ujednačenog kvaliteta, a u skladu sa usaglašenom definicijom završenog projekta, a o definiciji završetka projekta usaglasit će se timovi Ugovornog organa i Izvršioca.
- (2) Projektni timovi Ugovornog organa i Izvršioca će obavljati kontinuirano testiranje rješenja.

V. UGOVORNA KAZNA

Član 6.

- (1) Ukoliko Izvršilac svojom krivicom ne izvršiti uslugu u roku utvrđenom u člana 4. ovog Ugovora, a ne radi se o višoj sili, Izvršilac se obavezuje da Ugovornom organu plati ugovornu kaznu u visini od 0,2 % od ukupne ugovorene vrijednosti robe, za svaki dan kašnjenja, a najviše 5 % (pet posto) od ukupno ugovorene vrijednosti robe.
- (2) Izvršilac je dužan platiti ugovornu kaznu u roku od 7 (sedam) dana od dana prijema zahtjeva od strane Ugovornog organa.
- (3) Izvršilac neće platiti ugovornu kaznu ako dokaže da nije kriv za kašnjenje u izvršenju usluge, Izvršilac će platiti samo dio ugovorne kazne koji je srazmjern njegovoj krivici, ako dokaže da je samo djelimično kriv za kašnjenje.
- (4) Ugovorni organ neće moći naplatiti ugovornu kaznu ukoliko je do kašnjenja došlo usljed više sile.
- (5) Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati, niti ih predvidjeti.
- (6) Ukoliko je zbog kašnjenja Izvršioca u usluge Ugovorni organ pretrpio štetu koja je veća od iznosa ugovorne kazne, Ugovorni organ može, umjesto ugovorne kazne od Izvršioca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

VI. NAČIN PLAĆANJA

Član 7.

- (1) Ugovorne strane su saglasne da će Ugovorni organ izvršiti plaćanje izvršene usluge u roku od 30 (trideset) dana od dana prijema potpisane i ovjerene fakture od strane Izvršioca.
- (2) Plaćanje se vrši na transakcijski račun Izvršioca, odnosno podugovarača (ako je predviđeno direktno plaćanje podugovaraču).

- (3) Izvršilac je dužan da uz fakturu dostavi otpremnicu i potpisan „Zapisnik o prijemu usluge“ i
- (4) Garanciju za uredno izvršenje ugovora.
- (5) Izvršilac dostavlja fakturu sa prapatnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.

VII. OBAVEZE UGOVORNOG ORGANA

Član 8.

- (1) Ugovorni organ se obavezuje da:
 - Izvršiocu odredi termin za izvršenje predmetne usluge;
 - izvrši pregled i preuzimanje izvršene usluge, bez nedostataka;
 - vрати Izvršiocu Garanciju za uredno izvršenje ugovora na način utvrđen Ugovorom i Tenderskom dokumentacijom;
 - da plati primljenu fakturu Izvršioca, u skladu sa članom 7. stav (1) ovog Ugovora.
- (2) Forma garancije za uredno izvršenje ugovora je sastavni dio ovog Ugovora.

VIII. OBAVEZE IZVRŠIOCA

Izvršilac se obavezuje da:

- izvrši uslugu prema zahtjevima iz Tenderske dokumentacije Ugovornog organa i Ponude Izvršioca;
- izvrši uslugu na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Izvršioca,
- izvrši instalaciju, testiranje i puštanje u rad softvera, za stavku, kako je navedeno u Tenderskoj dokumentaciji Ugovornog organa;
- ispostavi fakturu za izvršenu uslugu i Garanciju za uredno izvršenje ugovora.

IX. GARANCIJA

Član 10.

- (3) Izvršilac daje garanciju Ugovornom organu da roba iz usluga 1. ovog Ugovora odgovara u svemu tehničkim normativima i važećim propisima.
- (4) Izvršilac garantuje funkcionisanje i tehničke karakteristike robe iz člana 1. ovog Ugovora i odgovoran je za sve eventualne nedostatke i defekte na isporučenoj robi.
- (5) Garantni rok za izvršenu uslugu traje minimalni vremenski period koji je zahtjevan u Tenderskoj dokumentaciji Ugovornog organa u Obrascu za cijenu ponude i teče od dana izvršenja usluge.

Član 11.

- (1) U garantnom roku Izvršilac se obavezuje da odmah započne sa otklanjanjem kvarova i nedostataka u izvršenoj usluzi/instaliranim softverima, odnosno implementiranim rješenjima

- zahtijevanim ovom Tenderskom dokumentacijom i to najkasnije u roku od 2 (dva) dana od dana prijema usluge od strane Ugovornog organa.
- (2) Izvršilac se obavezuje da će u garantnom roku obezbijediti servisiranje, odnosno otklanjanje kvarova na opremi preko mreže ovlaštenih servisa.
 - (3) U garantnom roku popravke i otklanjanje kvarova i nedostataka, padaju na teret Izvršioca.
 - (4) Ukoliko Izvršilac ne bude u mogućnosti da započne otklanjanje kvarova i nedostataka u roku od 2 (dva) dana od dana prijem obavještenja od Ugovornog organa, Ugovorni organ ima pravo da sam otkloni nedostatke ili da ovaj posao povjeri trećem licu o trošku Izvršioca.
 - (5) Na izvršene popravke i otklanjanje kvarova, garantni rok počinje teći od dana izvršene popravke i otklanjanja kvarova.
 - (6) Garantni rok se produžava za period koliko je trajalo otklanjanje nedostataka ili kvarova.

X. RASKID UGOVORA

Član 12.

- (1) Ugovorni ima pravo jednostrano raskinuti ovaj Ugovor i pravo na naknadu eventualne štete u slijedećim slučajevima:
 - ukoliko Izvršilac kasni sa izvršenjem usluge iz neopravdanih razloga,
 - ukoliko izvršena usluga ne odgovara tehničkim propisima i standardima za tu vrstu usluge i kvalitetu navedenom u Tenderskoj dokumentaciji Ugovornog organa i Ponudi Izvršioca.
- (2) Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.
- (3) Obavijest mora sadržavati razlog raskida ugovora.
- (4) U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

XI. ZAVRŠNE ODREDBE

Član 13.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 14.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 15.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 16.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana.
Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 17.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana.

ZA UGOVORNI ORGAN

Rektor

Prof. dr. Rifat Škrijelj

Broj: 0101-6348-6/18

Sarajevo, 07.12.2018.

ZA IZVRŠIOCA

Direktor

Haris Čeremida

Broj: 092/18-3

Datum, 10.12.2018.

